



## **BARAZA LA WAWAKILISHI – ZANZIBAR**

### **ORODHA YA SHUGHULI ZA LEO**

### **BARAZA LA TISA LA WAWAKILISHI**

### **MKUTANO WA KUMI**

### **Kikao cha Kumi na Sita – Tarehe 30 Mei, 2018.**

Kikao Kitaanza Saa 3.00 (Tatu) Asubuhi  
na Dua itasomwa.

#### **I. MASWALI:**

#### **Ofisi ya Rais, Tawala za Mikoa, Serikali za Mitaa na Idara Maalum za SMZ:**

74. MHESHIMIWA JAKU HASHIM AYOUB (Jimbo la Muyuni) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Kwa muda mrefu sasa soko la samaki la Darajani limekuwa katika hali mbaya ya kimazingira kutokana na uchakavu na mazingira yasiyo salama kwa kitoweo kinachouzwa katika soko hilo.

- (a) Kwa kuwa wafanyabiashara wanalipa fedha zao Baraza la Manipaa, kwanini fedha hizo hazitumiki kufanyia ukarabati na kuweka mazingira mazuri ya kufanyia biashara ya kitoweo.
- (b) Kuliacha soko hilo kuendelea kuwa katika hali mbaya kama ile si kuhatarisha afya za walaji wa kitoweo kinachouzwa sokoni hapo.

75. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Muda mrefu sasa umepita ujenzi wa mtaro wa Kisima majongoo bado hakuna hatua za maana zilizofikiwa licha ya suala hili kuulizwa hapa Barazani muda mrefu.

- (a) Kuna hatua gani za maana zimechukuliwa kujenga mtaro wa Kisima majongoo.
- (b) Kitu gani kimekwamisha mtaro ule usijengwe katika kipindi chote hicho.
- (c) Wizara inatoa ahadi gani ya kukamilisha ujenzi wa mtaro ule kwa muda mfupi ujao baada ya kukaa muda mrefu na ile ahadi ya mwanzo.

**Ofisi ya Rais, Katiba, Sheria, Utumishi wa Umma na Utawala Bora:**

145. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Sheria yetu ya Utumishi wa Umma na kanuni zake imeweka utaratibu wa mtumishi wa umma anapofikia umri wa kustaafu na kama bado ujuzi wake adimu na unahitajika huongezewa muda wa utumishi kwa utaratibu maalumu.

- (a) Je, kwa vile soko la ajira limejaa wataalamu wa fani mbali mbali na nafasi za ajira ni chache kwanini utaratibu wa kuongezewa muda wastaafu usiondolewe ili kupisha vijana wenye fani hizo waingie kazini.
- (b) Badala ya kuwa na utaratibu wa kuongeza muda wastaafu, kwanini Serikali isiweke mpango maalumu kwa wanaostaafu kutumia miaka mitano ya mwisho ya utumishi wao kutoa ujuzi kwa vijana wapya watakaochukuwa nafasi hizo.
- (c) Kwanini kada zile ambazo zinachukuwa muda mrefu kujifunza kama vile udaktari, watumishi wake wasiongezewe umri wa kustaafu kufika miaka 70 badala ya 60.

**Wizara ya Vijana, Utamaduni, Sanaa na Michezo:**

184. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri ya Vijana, Utamaduni, Sanaa na Michezo:

Mnamo tarehe 16/3/2018 Waziri wa Vijana, Utamaduni, Sanaa na Michezo alitoa kauli kupitia ZBC kuwa vijana wa Zanzibar kuacha kuiga tamaduni za nje na kufuata mila na tamaduni za Kizanzibar.

- (a) Je, ni tamaduni gani hizo ili vijana wakapata kuzielewa.
- (b) Hivi sasa kumezuka mtindo wa vijana wetu wa kike na kiume kuvaa mavazi ya ovyo sana kama vile nguo fupi za kubana, suruali mlegezo n.k, Je, hatua gani zinachukuliwa kupiga marufuku mavazi ya ovyo kama vile wenzetu wa Rwanda walivyofanya.

**Wizara ya Kilimo, Maliasili, Mifugo na Uvuvi:**

31. MHESHIMIWA SHEHE HAMAD MATTAR (Jimbo la Mgogoni) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Kwa kuwa Wizara ililiarifu Baraza lako Tukufu, kwamba imetayarisha Mpango Mkuu wa Maendeleo ya Uvuvi (Fisheries Master Plan) na ilieleza kuwa inashirikiana na Taasisi za TAFIRI, IMS, na SUZA kwa utafiti na kupata faida kubwa ya kuunyanyua uchumi wa Zanzibar.

- (a) Je, mpango huo umeleta matokeo gani kwa faida ya Zanzibar katika nyanja ya uvuvi hadi sasa.
- (b) Je, matokeo ya tafiti zilizofanywa na taasisi za TAFIRI, IMS, na SUZA yamefanyiwa kazi vipi hapa Zanzibar.

**Wizara ya Biashara na Viwanda:**

61. MHESHIMIWA OMAR SEIF ABEID (Jimbo la Konde) -  
Atamuuliza Mheshimiwa Waziri wa Biashara na Viwanda:

Shirika la Taifa la Biashara (ZSTC) ni Shirika linalojiendesha kibiashara na hivyo, ipo haja ya ZSTC kuwa na ofisi ya kudumu sambamba na kufungua maduka ya bidhaa zake zinazozalishwa na shirika hilo huko Tanzania Bara. Lakini hadi leo ZSTC haina hata nyumba na inaendelea kukodi nyumba kutoka Shirika la Nyumba la Tanzania Bara (NHC).

- (a) Je, ZSTC imejipangaje ili kuhakikisha kwamba inamiliki jengo lake na Ofisi.
- (b) Je, kuna utaratibu gani kwa ZSTC kuanzisha maduka kwenye mikoa mengine ya Tanzania Bara kuuza bidhaa zinazozalishwa na viwanda vyake.

**II. HOJA ZA SERIKALI:**

**Waziri wa Biashara na Viwanda:**

Kwamba Baraza hili lijadili Makusudio na Shabaha zilizomo katika Makadirio ya Mapato na Matumizi ya Wizara ya Biashara na Viwanda kwa mwaka 2018/2019.

Zanzibar,  
30 Mei, 2018.

(Raya Issa Msellem)  
**KATIBU WA BARAZA.**